



Knud Mathiasen  
Inatsisartunut ilaasortaq, Naleraq

## Palasit pillugit – § 37 naapertorlugu apeqputip nr. 103/2024-p akineqarnera

31-05-2024  
Suliap normua: 2024 - 1595  
All. nr. 24203703

Asasara Knud Mathiasen,

Postboks 1029  
3900 Nuuk  
Oqarasuaat:  
+299 34 50 00

Inatsisartut suleriaasiat naapertorlugu apeqputinnut qujanaq. Apeqputigineqartut tullinnguuttuni akissuteqarfigissavakka.

Email: [ikin@nanoq.gl](mailto:ikin@nanoq.gl)  
[www.nanoq.gl](http://www.nanoq.gl)

### **Apeqput 1: Palaseqarfiit qassit palasimik amigaateqarpat?**

**Akissut:** Massakkut palaseqarfinni ukunani pingasuni palaseqanngilaq: Ittoqqortoormiit, Nanortalik aamma Qasigianguit.

### **Apeqput 2: Palasit ilinniarsimasut qassit atorineqanngillat?**

#### **Apeqput 2A: Atuisoqanngippat sooq atorineqanngillat?**

**Akissut:** Apeqputit 2 aamma 2A ataatsimoortillugit akineqarpat.

Naalakkersuisut ilisimatitsissutigisinnaavaat, 2011-miit 2023-mut Ilisimatusarfimmiit upperisarsiornermik ilisimatusartut 27-t naammassisimasut. Palasit atorfeqanngitsut amerlassusaat pillugit Naalakkersuisut paasissutissaateqanngillat.

Palasinngussagaanni § 26a-mi piumasaqaatinik naammassinnittoqassaaq, inatsimmi uani ilageeqarneq pillugu Inatsisartut inatsisaata allanngortinneqarneranik Inatsisartut inatsisaat nr. 2, 29. november 2013-imeersoq (Ilageeqarnermi atorfinitsitsisarneq, uppersaartit akiliuteqartarneq palasit ajoqillu upperisarsiornerup tungaatigut pissuteqartumik ilagiinni suliassanik suliqaqarnissanut pisussaajunnaarsitaasarnerat, aalajangiinernik allaffissornermi ingerlatsisunut qulliunerusunut suliassanngortitseqqittarnernik killiliineq kiisalu allaffissornermi pinngitsoorani malittarisassioartarnissaq pillugu aalajangersakkat).

1) *inuit upperisarsiornerup tungaatigut Ilisimatusarfimmi bacheloritut naammassinnissimasut imaluunniit danskit universitetianni upperisarsiornerup tungaatigut kandidatitut soraarummeersimasut kingornatigullu pastoralseminariumimi ilinniarnermik ingerlatsisimasut,*

2) *inuit ilisimasat tungaasigut ilinniarfissuarmi ilinniartitsisunngorniarnermut nallersuussinnaasumik ilinniarsimasut, tamatumalu saniatigut kristumiussutsimut ilisimatusarnermi malittarisassat Naalakkersuisunit aalajangersarneqartut malillugit*

ingerlaqqiffiusumik ilinniarsimasut, aammalu  
3) inuit ilagiinni danskit naalagaaffiata tapersersugaanni palasiusimasut imaluunniit  
palasiunissamut piumasaqaatinik naammassinnissimasut.  
Imm. 2. Kalaallit Nunaanni Ilagiinni palasit ilagiinni danskit naalagaaffiata  
tapersersugaanni ilaasortaassapput.  
Imm. 3. Kalaallit Nunaanni Ilagiinni palasit malittarisassat Naalackersuisunit  
suliarineqartut naapertorlugit kalaallit oqaasiinik ilisimasaqassapput.  
Imm. 4. Palasit ilinniarnernannut ilinniaqqinnerannullu ilagiit ilinniarsianni ilinniarnermut  
peqataasimanissaq palasit atorfinititsinissamut piumasaqaataanissaa Naalackersuisut  
aalajangersinnaavaat. Tamanna pillugu malittarisassanik erseqqinnerusunik  
Naalackersuisut aalajangersaasinnaapput, tassunga ilaalluni pikkorissarnermi  
akissarsiaqarneq.

Naalackersuisut biskoppip inassuteqareerneratigut inuk § 26a, imm. 1-imi  
piumasaqaatinik naammassinnissimanngitsoq palasit atorfimmi  
atorfinitinneqarnissaannut immikkut ittumik akuerinnaavaat.

Tamatuma saniatigut palasit atorfinitinnermi atorfinitussaq qaaqquneqartariaqarpoq,  
tassa palaseqarfimmi ilagiit sinniisaannit atorfimmut innersuunneqartariaqarluni.  
Tamatumalu saniatigut atorfinitussaq biskopimut soraarummeernermit tunniussissaaq,  
palasinngortinneqarsimassaaq, ilagiinni palasinngornermut neriorsuummik  
tunniussisimassaaq aammalu palasip atorfinititaaneramik biskoppip allagaanik pissalluni.

**Apequt 3: Tunuartitsisoqarsimappat sulisoqarnermut nalinginnaasumik politikki  
malillugu ingerlanneqarsimappat?**

**Akissut:** Suliffimmiit tunuartitsinermit soraarsitsinermit suliasaqarfimmi malittarisassat  
nalinginnaasut malinneqartarput.

Inussiarnersumik inuulluaqqusillunga



Aqqaaluaq B. Egede